

docriver 文川网
入驻商家 古籍书城
在文川网搜索古籍书城 获取更多电子书

中國方志叢書·華北地方·第四五三號

據

民國·陳伯嘉修，李成均等纂
民國廿七年石印本

影印

河南省

重修汝南縣志

成文出版社有限公司印行



10107536

中國方志叢書·華北地方·第四五三號

據

民國·陳伯嘉修，李成均等纂
民國廿七年石印本

影印

河南省

重修汝南縣志

成文出版社有限公司印行



10107535

中國方志叢書·華北地方·第四五三號

據

民國·陳伯嘉修，李成均等纂
民國廿七年石印本

影印

河南省

重修汝南縣志

成文出版社有限公司印行



10107534

docsriver 文川网
入驻商家 古籍书城

在文川网搜索古籍书城 获取更多电子书

中國方志叢書·華北地方·第四五三號

據

民國·陳伯嘉修，李成均等纂
民國廿七年石印本

影印

河南省

重修汝南縣志

成文出版社有限公司印行



10107533

中華民國六十五年 月壹一版

重修汝南縣志

全四冊

發行人：黃 成 助

出版者：成文出版社有限公司
台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

中華民國廿七年

重修汝南縣志

邑人李敬齋書



續修汝南縣志叙

夫縣志者所以徵文攷獻為一縣之宏規而與國文相聯繫至重且要也汝南夙稱汝陽聲名文物藉甚一時前有縣志續修於清康熙間繼之恭詳迄今垂二百數十年而年湮代遠變幻推遷有應求美備而期徵信者自應紀載加詳不可付諸缺如民國肇興勤求史乘以資典要昭示省縣搜集而纂修之其意殷切念二年夏劉主席經扶視察茲汝指示及此陳前兼縣長伯嘉仰承斯旨鑒於汝志年久殘闕於二十二年秋召集紳耆決議重修呈奉令准立縣志館於城市先後聘館長王君重遠萬君聘卿董其事並聘高君達卿李君澄清崔君聘丞等纂修分任其功明定條例尅期進行不二年間全志告成其間編製之整嚴採訪之周匝遂言之宏富樹義之精深有徵必信無義不彰且復引之於古証之以今參酌釐定悉臻肯要經營宏濶不減良工其有益於政教文化足借鏡於來茲者洵佳構也斯志之成將於邑乘中獨出冠時矣豈僅一邑之光哉今奉命來汝督政適值抗戰軍興邑之人殷殷走余門序學識謙陋重敢以不文

辭爰於戎書執掌中勉綴教誨各之亦聊資其敦重之言云時民國二十
七年五月中辭也

河南省第八區行政督察專員張振江謹

重修汝南縣志序

邑之有志猶國之有史也史紀一國典章文物政治得失用以昭列祖列宗闡草萊斬荆棘為億兆斯民開生聚食宿之所創萬世不朽之業鑒往察來俾知我黃炎神胄延宇宙間最優秀民族涵濡漸漬蔚為民族國家思想志載一邑忠孝節義風俗人情藉以明世代賢豪倡道義尚氣節為千禩子孫樹應事接物楷模垂涉身處世典範思今追古莫使我青年後進知崇奉其固有道德薰銘陶冶養成珍護鄉土觀念是志與史體裁雖異天壤並存所謂不廢江河萬古流足為永遠龜鑑者一也汝南古屬豫州風稱天中文通四達土膏民殷饒賢豪龍潛約隱之士代不乏人而縣志自康熙庚午歲重修後迄今二百餘年纂續失時逸致人文弗彰志貞湮沒不特利弊興革政教設施浸無稽考而文獻散軼老成凋謝將何從徵信更何以啟迪後昆昭示來茲俾有愛國家鄉土之思而繼承先烈先賢鞭箠四夷安內攘外以成其恢闡宏偉之遺志哉戊寅春余奉命來長是邑正值倭寇披猖長驅內侵政府日忙於征兵輸卒調節供應對斯能

激發民族意識愛國愛家熱忱之縣志則未遑披閱適邑紳李君澄清持
縣志館長萬君聘卿與館中同仁重修縣志稿來謂將付梓為籌撥印費
並為序以弁篇言余不文對編審釐正無所獻替然竊以謂詩書雖缺必
取信於師儒典禮不亡幸取徵於文獻別辨風俗稽戶口崇懿徽示法守
併人心之忠貞節烈能否敬身成仁捨生取義與夫仗義疏財毀家纾難
有若顏常山張睢陽文文山史閣部者發揚閭里光榮激勵鄉邦庶幾皆
視此縣志之存否以為斷是縣志付梓足廣流傳不特與章可據文獻有
徵其有裨抗戰前途實勝於編練十萬子弟之師來拱衛我唐表父老之
邦也則李君澄清之主持重修縣志又足與前賢媲美永垂不朽矣是為序

中華民國二十七年六月一日成舉夏秋陽撰

邑乘之作具體於國史沿革於累代推闡會歸於中央統一之軌度任至重也民國二十一年秋余被命為河南第八區行政督察專員兼汝南縣事下車伊始即開縣志版已遺滅竭力搜求僅得府縣舊志各一部距今均已二百餘年綱目雖改文獻猶存爰謀士紳設館採訪期年之間粗成草本網羅數夫頃易篇觀方擬詳加校勘編年成書適以二十四年冬交代罷去今歲元月奉命回任至謀賡續乃商之邑紳李君澄清前館長萬君聘卿致聘項城高遠卿新蔡崔聘丞兩先生出學問經驗之所得討論而潤色之復請李君澄清總司館務凡八閱月而新志告成小史掌邦國之志專勅成書元和纂郡邑之乘蔚為鉅典集二百四十七年之歷績裒然成帙事垂成而中斷至是乃若創獲吁何其難也竊以立國於大地之上要素有三土地人民政事缺一不可惟縣亦然地理疆域山川河流則土地也戶口若干為則人民也民財建教選舉兵備宗教科司法等等則政事可以概括之彼大事記者如禹山磅礴必有主奉如萬里九章思早

一領在政事中國為大綱而政事在三要素中尤為大綱中之總綱政治果海進修明則國力充實人民安居樂業致古準今揆人度己即不幸有迫我於險隘逼我以難堪者而博燧運籌早燭幾先聖苦肆應愈久愈奮則太康一旅而中興越甲五千而定伯殷憂啟聖多難興邦天心厭亂於有悔禍降福之時治亂興衰幾絃善做政府策之於先吾民應之於後此尤今日最急最要之函而不可於政紙中求之者他如典章文物悉仍其舊或續加甄錄俾廣流傳於微言大義之所在未有不擬其精華挹其精粹者至目前政治宏綱細目纂述無遺精神所在動國社會之安危啟妙所存並係生民之休戚國家前途實深利賴又不僅備地方之掌故樹已志之風聲已也兩先生編纂之動用心之苦每可於字句中探索得之其樹議正大筆法謹嚴亦於此可見一斑遂揭繁苛後以弁諸簡首

時在
中華民國二十有六年十二月冬至日

湖南常德陳伯嘉

汝陽縣志舊敘

汝陽舊有縣志矣何其後修也舊志成於順治間距今已三十餘年其中山川里道河渠官爵之類因革增損之不同恐日久而其詳不可得聞奉大中丞周公敏未續之也公之意曰

一統志將告成矣關心國是者謂

聖天子右文考古宜乎鑿今午夜披圖一朝而勅部國奏版籍其將何辭以對必責之有司詢其成獻不束手飲容乎天英乃捧檄而起召父老而進之告以揚

天子之休命皆曰諾當年縣志缺畧不過附府志以行後此縣志較詳然而詳之中未免有畧焉者茲可得因而補之矣於是自禹貢伊瀝王會而到晉壁竹書塚紀之載登秦歷龜註而斯書尋纂周爨之秘羽翼夫翳經璞解而徵佐夫應劭王所由焉而下者則杜清疏焉已荆溝河不得肆為泐泐矣四水辨而淮汝遠久何有雷雨登舟之憾耶戶口則厯審有府焉指賦畝而問疆隅如在指上觀矣而丁徭可無涖漏也嗚呼至聖之

堂恍登曷平河見其廟貌嚴肅衣冠雍和而笙磬鏗鏘鐘簋古處矣所以
循良在上模魯盪野甘棠之剪伐誰不興歌耶臣蹟有考月旦有評不幾
聞絃歌於單父之堂揖流風於許劭之室而文武同登夔龍拔武洋洋大
觀哉已而溯羅泌之書借光太任有貞白之集又得少張順陽應氏諸篇
陳壽章懷之注羅列篇什輝煌晉志者又若唐宗卑諸臣親遊大瀛州之
上也至於祖無擇西齋之話羅大經玉露之章于今弄之搜神羅昭諫之
碑議不已攜手閩潛擁篲夢得若綠陶姚諸公撰說邪而欽秘冊括津逮
而眺學海辨天孫外史之錫洽洪邁沈括於青期之內乎是役也

中正大夫之徽謂中州節邑自庚子以後人才斯盛矣而內院秘閣不
讓石渠虎觀其琳瑯武庫者更盛於崇文不嚴為考叢再訂精詳甲乙丙
丁之觀又何以媲美前代之蹟大英稽首拜命曰敢不竭乃心力以成我
大中丞之志予構机春秋不過古之志書耳得其人則千古不得其人則
瞬息其所以千古瞬息者無人焉以究竟之耳今海內宴安矣本泰有秋
矣為史者得優游簿書之下集明經博學李根試者雖於風雨鷓鴣之夕

曰若者當補若者當續辨膏魚而訂亥豕成而香生花樹俄而氣緩桐陰
泰階平而更滿永非

聖天子盛溢之休

大中丞宏敷之美下吏奔走風塵當不知何如也而得與於今日之間暇
者亦必有自矣續志成而并為之敘

康熙二十九年庚子嘉平月既望知汝陽縣事古新堂印天吳撰

docsriver 文川网
入驻商家 古籍书城

在文川网搜索古籍书城 获取更多电子书

汝陽舊志敘

汝陽昔未有志也附於郡也今志之作也自修郡志推也修者叔茂作者景哲也同系老聃氏同官柱下史也志分郡邑難各有攸居也何以故幅員廣而情勢渙難在覈土菁久而耳目玩難在徵惟覈之難故證記則人持其說撮實則家獻其珍苟非折盈庭障砥柱烏能勝其任而愉快乎惟徵之難故恢之欲廣孰拓其基搜之欲深孰濬其源庸者啞餘詭者滑稽學不窺二百言不辯百家而欲傾二三美之憑液成全史之汪洋亦萬不可以必得之數矣郡志自有述景哲以中州名魁高第南宮製錦兩巖邑立朝惠文白簡侃侃論天下事其於辨土風類物情燭照數計不啻矣青鬃歸來杜門讀書垂十餘年無論典墳邱索石渠天祿之藏即竹書汲冢碑官方言秘密猥瑣靡不殫究有徵之具也夫不煩邑大夫閣上舍不徵博士弟子給筆劄佐書史不累歲月不下庭除出倫鑿腹苟探五寸管游戲烟雲自有司先後敦請迄今不羸幾旬而接踵郡志以成也無不徵也無不覈也所不階尺土崇臺千仞者也叔茂之言曰吾得蕭副臬仲晦肯給

諫應祥揚觀察德興桂太常伯深李侍御景哲輩每事周咨可幸無戾二書之取材富取義嚴其在斯乎魯無君子斯馬取斯懿哉數君子有人操獨行貞不絕俗親愛如朱陳村禮讓如洛下社即受簡鼎成不聞齟齬比于沐浴之間斷斷如者又似過之朱陳兩姓里氓耳文苑諸賢在洛約為耆英會爾昔司馬君實首治通鑑輯異證詞訂証所不可知而他承問有著述也汝上一首何幸有兩君實予或言景哲博訪汝洪二河上自為紳學士下達與臺廨役長年三老蚩蚩之氓尋星宿窮尾閭經行支分纖細具如指掌予長登會稽探禹穴太白以七澤之觀至荊州史才詩聖不虛耳頃中丞臺國汝屬屢危陽侯議疏汝洪之委直下長淮檄二倅往勸足重爾茫不得其要領議以竟捨異日者倘有意于荒度永賴乎一開奉而高高下下匹姒智而佐伯翳矣乃志之有裨于治理獨一水利乎哉

知汝寧府事內江黃似華撰

汝陽舊志序

邑之有志猶國之有史也辨異土類物情因革互宜政教相沿芟惡紐狀之規文章詩歌之盛以逮官吏耆舊鄉士大夫傳載無遺要亦具觀者昭勸懲而然言者無文而聞者足以反求猶春秋編年之書與汝陽古稱天中風氣清佳人文秀美南國節儉之習尤賢正真之風今猶存其遺焉余下車初搜舊乘不得召子弟父老而詢訪之乃一一得其槩汝自兩漢五代洎唐宋以來公侯將相之器項背相望忠孝廉潔之性嗣續相屬貞烈骨鯁之才險巇相濟著述高尚之士先後相踵孔北海論汝潁之士亦既刻畫懸有定價矣若正公之裔世叔邵公之允姓氏幾半天下其表表當時稱極勝矣然代繼而起者父子祖孫以及昆仲繩繩相承都雅實多且地畜三厄其志始於狼暴也俗三丘苦其端尋於其艾也祖有三耗其弊中於新增銀錢以及三祿也背上與下思欲變計之而卒不能盡得者在昔已有然矣今讀古東禮之家多尚義田隴耕種之氓多急公而哭賀善不絕於閭里修葺獻賓特舉於鄉黨倚異其風不亦可樂而可歌耶猶有

慮焉誦少游漲溢之篇而念澤中之鴻憶永嘉建災之宇而傷肝腦之糜
睇築防遺戍之苦而冀征役之息以今視昔變而必通漸而將復之會乎
因天時以施補救揆地利以稽興廢向民風而課禮義亦幾厄勉從事庶
無大悔者與方今

聖天子偃武修文一統車書 臺大夫撫綏網維持徵文獻邑當殘息之
餘懼其事遠而難考近而莫稽也一旦得得學士家壁中藏卷秩零落字
司蒙或不可讀幸未即焚祖龍之燭而紀銀蟬之殿過半矣公餘於事
撮其巨義擷其微請於貴卿名彥訪之里夫賤眈然於近事備為採錄持
延羊子載筆而更新之羊子博古深思風槩獨樹簡於取事嚴於論斷且
虛公搜輯不恤餘閒折衷於政暇商確於同志繁者削缺者補增損成帙
是役也始於己亥六月廿日告成於庚子七月望日洵其要領蔚然美備
予於斯責又何敢遜謝焉汝士大夫咸曰輔軒使者過而採風以是書獻
焉與二南并陳矣此予之幸也亦汝人之幸也謹序

順治十七年庚子七月既望知汝陽縣事紀國珍撰

篤志序

邑志之役辱 漢公先生不鄙瓦礫尚以研席愚惶然曰往者多名卿鉅公是任今屬之韋素端端乎若有所不安先生曰吾竊聞之矣子賦性誠實嫻於博綜且不善諛而善核謀野則復古不云乎今奉

中丞大夫憲檄在不得過為避也因受簡而謀卒事焉為網為目或哀或益詳畧之間道法備焉編年紀事準於深水龍門星野祥異衍之班固譙周六異程高較今守而衡論之大約以舊書為憲且蓋本自李莊靖公始也莊靖公與先大父太爺公同起家神宗朝先後執法殿中每談先大父忠孝事實推為先型向人稱述疊疊不倦愚伯父及家君又皆子弟於其門朝夕而受業者也德愚營於習覩公光儀迄今以未得承學為恨太史公曰詩有之高山仰止景行行止雖不能至心向往之愚於公益寤寐思服之矣公又孫實遂君博學嗜古落落可奇為姻家莫逆交時出所見聞益我不逮又其厚幸也愚之從事於先生也草凡三脫寒暑載厯倘列鷄碑之稱不貽先范之誦尚須邀高明之一矚愚中心益欽欽於莊靖也何

者不有作者孰為述者今其作耶不猶述耶先生固師傳承之愚實高曾
奉之矣敬附數言用誌源流

汝南後學羊璘識

重修汝南縣志凡例

一汝南舊志暨各縣舊志皆載天文星野之說意謂所以便占驗而明災祥也查周禮保章氏以星土辨九州之地所封之域皆有分星星土星所主土封禡界也劉執中田尚充氏兗州房心豫州尾箕幽州斗牛女揚州虛危青州寶璧并州奎婁胃徐州昴畢冀州觜參益州井鬼雍州柳星張三河翼軫荆州一統志汝寧府角亢氐分野古豫州薛氏曰星土之說不明舊矣有為北斗之說者謂七星主九州者雍屬魁星豫屬搖星之類有為五行之說者以為十二次主九州若降婁元枵主岱度星位焉之類是合而言之仍為九州而已考周之盛時諸侯封域棋布九州大者百里次者七十里小者五十里尚有不及五十里者山已容皆有分星之次降及戰國強大兼併弱小土宇綿亘數千里又豈能盡合天文之度是星野之說罕待識者之一辯諸家聚訟紛紜亦徒詞費而已據癸辛雜識云世以二十八宿配十二州分野最為疏誕中間僅以畢昴二星管異域諸國不知十二州東西南北廣袤僅一二萬里球

球九萬餘里較中國大過幾倍以理言之中國僅可配牛斗二星而已
後夾際鄭漁仲云天之所覆有廣華夏所占者牛女下十二國而已又
有以五星二十八宿在中國而不在外國謂牛女二星配中國為無據
者是丹非素莫衷一是總之星野之說殊難置信謂九州有星分野尚
有可言若一縣地本彈丸黑子謂亦有星主其分野其為謬言不待攻
而自破矣近世知識日新一切迷信已破除無餘新修志者不沿此例
故於天文星野論述大就以示從善之意云

修志自有體例體例定而後逐類分條由本及末如發矢之有的錫度
材之有準繩也舊志成於清康熙二十九年迄今幾二百五六十載中
經民國初元府縣更置存廢不一素奉缺殘末由徵信別政體既變共
和法制迥殊前代除輿地山川節義人文職官選舉功業事蹟古蹟建
置之可考者均予特別保存外其他記載則務詳今制圖其新而不合
其舊此物此志亟須聲明

一修志等於修史敘事務求翔實辭句無論文野不得用游揚跌宕之筆

隱寓識誤以免是非混淆

一汝南舊稱汝陽為前汝寧府附郭縣民國廢府存縣政易今名凡舊府志人物藝文宦蹟德政均與縣志互相闡釋茲並列入以資考証舊志俱在可以覆按大概期於勿遺勿濫云

一部頒修志概要取余紹宋法春秋記龍游一邑大事謂其合於史裁安陽續志已付行之茲編亦取此例蓋時代之演進如此非膠柱鼓瑟也

一測繪之學今精於古茲編總分各圖均用最新科學方法印製以期精詳而裨實用

一舊志地理於疆域沿革山川形勢不免有漏誤畧三病今漏者添之誤者正之畧者詳之凡鎮店集市今昔異名者亦照今名更正俾便考查一舊志古蹟多附入地輿惟平輿執事古稱文母太任生於此地與二龍里月旦橋等殊有歷史價值足動人景仰流連之慕故另列一門以示

一建置一項雖云肇始而實為方今要政且汝南係第八區專員駐在地
歷年拓展業經漸引其端自應專列一門昭示鄭重

一古代食貨可賦財用現代財政日益繁複絕非食貨所能範圍冠以財
政總收總支庶各項所需胡若列眉悉夫婦亦可與知而經濟改良乃
始有採尋之依據矣

一民政實業交通教育社會宗教等在今日政化中最關重要國家強弱
民族廢興其關鍵全在於此茲按現在章制分條詳引以規推行
并藉觀庶政之成績焉

一團體變更社會風俗當隨時改進故采風問俗今宜更詳於古古者太
史采詩以觀民風風雅所載猶可見政教之興替民俗之淳漓後世國
史所紀僅君主起居大政措施朝章國典所收闕將相大臣之事蹟與
時代之民情風俗背景絕不注意未免為歷史之缺點此時代使然無
可如何茲編注重社會狀況風俗一項增列獨多識者察之

一我國歷年水災因與民損失不可億計水利不興故也汝南水利漸為




上下所注意才始萌芽無大成効惟民生利害水利關係最大如方
力農工商適合業係於地方之榮枯汝南農工輩守舊法不知改良尚
無專門學識獨賦敗者逐什一之利而已地則一帶平原素無鎮產法
分別附列簡表使留心庶政者藉得改進焉

一人物一門男女并重如果忠孝節義言行可法自當並著於篇以資表
揚茲編於人物凡萬志所載者志數紀錄以示既已表彰於先自不
刪削於後蓋善善從長理固當然惟男則持書姓名女則仍稱列女從
班史之例昭平等之權意固無所軒輊也

一藝文舊志所載多有煌煌大文可為掌故近人所著亦有言論卓然足
傳不朽者茲皆按時代列入以為徵文考獻之資蓋修志非述文比必
為有益之文然後著錄及是從畧聞考諒之

一金石古物在歷史上占重要位置汝南為淮西名區古金樂石當不在
少惟乎近代迭屢經滄桑故國之喬木無存舊家之琳瑯漸失茲編搜
集無多擬攝影數人以為考古家之一助



一雜記一門多記仙蹤神跡鬼怪妖魔之靈奇天時人事之變異為情理所無而事實竟有者搜神記幽明錄聊齋志異聞微草堂等書類皆矜奇炫異盡持窮形足以昭鬼神之情狀而大奇在勸善懲惡仍不夫儒者忠厚之道茲編所記大概類此殆取材於稗官野史固非游戲筆墨云

一志書夫修己久中更亂雜且值新舊過渡時代既虞又獻之無徵更愧學殖之未廣掛漏片悞維和難免考訂正是所望於博雅之君子

docsriver 文川网
入驻商家 古籍书城

在文川网搜索古籍书城 获取更多电子书

重修汝南縣志人員姓名

督修

陳伯嘉 河南第八區行政警察專員兼汝南縣長 湖南常德人

監修

杜光遠 河南第八區專員公署秘書 新野人字逸欣

廖敦七 河南第八區專員公署秘書 江西崇仁人

黃仲唐 河南第八區專員公署秘書 湖北大冶人

參閱

高廷璋 前河北省新城或安清堂登河南省河
陰南陽兩縣知事縣長有己再科代書
項城人字蓮卿

崔德珍 前河南省北縣縣長清丁百科代書
補行署人知事庚子年五月正科代書人
新蔡人字壽丞

李汝泉 中國國民黨汝南縣黨部幹事縣議
會議長國民會議代表
汝南人字澄清

館長

王重遠 清附生河南大學堂畢業 河南汝南人

萬聘卿 清附生河南公立法政學校畢業 河南汝南人

纂修

李成均 清廩生前縣議會議長

河南汝南人

張星樞 清附生保定高等師範畢業

河南汝南人

李子珍 清附生

河南汝南人

康杉彬 清優貢生河南巡警學校畢業
前河南省議會議長

河南汝南人

採訪

任趙星垣 高等巡警畢業

河南汝南人

李儀舜

河南汝南人

李子珍 清附生

河南汝南人

張仲敬 清附生

河南汝南人

馮庶泉 清附生

河南汝南人

麻宗周 師範完全科畢業

河南汝南人

劉孟陶 清附生北京師範畢業

河南汝南人

劉雲衢 巡警畢業

河南汝南人